



partii naleraq

Nuuk 24. April 2019  
UKA2019/121  
Pele Broberg Partii Naleraq

**Ilinniagaqarnersiutit pillugit nalunaarutip allannguutissaatut siunnersuummik kingusinnerpaamik UKA 2019 sioqqullugu saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Taamaalilluni ilinniartup ilinniarluni aallartinnermi kingorna, akiliunneqarluni angalasinnaatitaanini siullemq juullimi imaluunniit aasakkut atuannigfiup nalaani atussanerlugu nammineerluni aalajangersinnaaleqqullugu.**

Ilinniagaqarnersiutit pillugit nalunaarutip 1 allannguutissatut siunnersuummik kingusinnerpaamik UKA 2019 sioqqullugu saqqummiusseqqullugit Naalakkersuisut peqquneqarnissaannik Inatsisartut aalajangiiffigisassatut siunnersuut Partii Naleqqamiit imatut oqaaseqarfigissavarput. Siullermik Partii Naleqqamiit aalajangiiffigisassatut siunnersuuteqartoq Peter Olsen, Inuit Ataqaatigiit qujassuteqarfigissavarput.

Partii Naleqqamiit Kalaallit Nunaanni ilinniartuuneq periarfissanik ammaassinermik ilinniarnertuunngorniarnerruppat, inuussutissarsiuutigissallugu ilinniarnerruppat aammalu Ilisimatusarnermik ilinniarnerruppat periarfissaanik aporfilersuinerunngitsumik pilersitsisoqarnissaa pisariaqartutut ilinniartumut iluaqutaasussamik kinguneqartariaqarpoq.

Partii Naleqqamiit isumaqarpugut siunnersuutip uuma ilinniartuq kinaluunniit periarfississagaa ilinniarnerninik unitsitsiinnannginnissaanik. Ilinniarnernik aallartitsineq imaannaanngitsuusarpoq, ilinniartut ilaasat aatsaat angajoqqaatik qimallugit siullerpaamik misigisarpaat, ilinniartumut allanngoriarneq annertoq aallartittarpoq, ilaatigut angajoqqaanut kipisaneq aammalu nunamut angerlarserneq atugaalertarluni, pissutsit sungiusimanngisat pilernerisa kingunerisaanik.

Nunarput nunattalu inui immikkuullarissumik nunarsuarmioqatitsinniit inissisimanerat ilisimaneqarpoq.

Nunarsuup assinga qiviaannaraanni tamanna ersareqaaq. Aammalu nunatta iluani pissutsit qiviaraanni ersarinnerusumik allaanerunerput atugarisatsinnik kulturitsinnillu. Nunanut allanulli angalaneq kisiat uani pineqanngilaq.

Kalaallit Nunaat isorartoqaaq, inuuniarnerlu avannaaniit kujataanut, sinerissamiit sineriammut, illoqarfinniit nunaqarfinnut inuuniarneq assigiinneqaluni.

Partii Naleqqami nuannaarutigaarput nunatsinni ilinniarfissuaqalersimanera, nunanut allanut ilinniariartorsinnaaneq pinngitsoorsinnaangikkaluarlutigu, ilinniartunut nunatsinni periarfissat ilinniarnep tungaatigut piorsarneqartuarmata.

Uagutsinnut aallaavigaluta periarfissat amerlanerussapput. Naak aningaasanik amerlanernik malitseqartariaqarnera taaneqanngikkaluartoq, pingaarnerpaavoq ilinniartut inuusuttut pitsaanerpaamik angusaqarnissaannut tapersersussallugit.

Oqartuarpugummi inuusuttatsinnut: “Ilinniaritsi, pissassaritsi”

Partii Naleqqami takorloorparput inuusuttortatsinnut una siunnersuut iluaqutaassasoq, taperserlugulu siunnersuut. Amerlanerussutillit paasissutissat sukumiinerusut pisariaqartissappassuk ataatsimiititaliami aamma suliareqqaarnissaa akuersaarsinnaallugu taperserparput.

Qujanaq